


Colloquium Oder Gespräch/ zwischen Bayern/ Sachsen/ und Pfaltz : sehr lustig und kurtzweilig zu lesen

[S.l.], 1621

<http://purl.uni-rostock.de/rosdok/ppn798384646>

Druck Freier  Zugang





(Collage p. 12)

ad Hist. germ.

53. 7.

Re 5000.

Prin. n.


~~Pi-1318.~~

419

COLLOQVIVM

Oder

Gespräch / zwischen Bay-
ern / Sachsen / vnd Pfalz / sehr lustig vnd
kurzweilig zulesen.



Gedruckt im Jahr / 1621.



Colloquium

Zwischen dem auß Bayern / Sachsen /
vnd dem von Heydelberg.

Bayer.

WDu auff gutt Gesell von hinnen / meins bleibens ist nicht
mehr da.

Pfalsz.

Laß fahren/was nicht bleiben will / man find der bösen Kin-
der viel.

Bayer.

Siehe/Holla Better/halt mich darumb nicht für böß / weil
ich die bösen fliehe/was solt ich in vnserer Eltern Erb eygenthumb
machen/siehstu nicht/wie es alles vber vnd vber gehet.

Pfalsz.

Was solt einer Kuh ein Berel sein/Better mein / O Better
mein/kom heerin/laß vns ein wenig lustig sein/in der neuen Stue-
ben/Heut ist in Behaimb Kirchtag/da zahlt keiner die Zech.

Bayr.

Das wer wol ein handel / wenn nur der Wirth die Zehrung
vnterschrieb/Sing/wer ist der/der vns das Gloch bezalt.

Pfalsz.

Vnser lang erwartete Freystellung / darumb sing ich : Auf
diesem Hauß da komb ich nicht/leucht mir dann der Morgenstern /
Better siehest du dann nit den vber Ungern vnd Behaimb Regie-
renden neuen/vnd vor mir den glanzenden Stern.

Du

Bayr: Du hast darumb noch nicht die H. Drey König/es man-
gelt dir noch der Römische.

Pfals: Der Stern muß weiter leuchten. Nun sing du auch
mit/vnd laß dich hören.

Bayr: An Heut ist St. Vincenzen Tag/das man das gwun-
nen verlieren mag. Holla/ O hinein/ Better mein/ schaw behalt
das dein.

Pfals: Doppelt oder nichts.

Bayr: Better/ehe Nichts als Doppelt/ gedenck an mich / ich
spiel nicht mit blinden Würffeln / dann es hat mirs mein Vatter
verbotten/vnd gesagt/je gröffer Spiel/je schlechter Verstand.

Pfals: O Küssenpfenning/dich reut das Gelde.

Bayr: Billich/dann ich dasselb mit Ehrn vnd harter Mühe be-
kommen/dahero dasselbig desto fleissiger zubehalten gedencken thu /
Du hast gut spielen.

Pfals: Wie da / vermeinst du vielleicht ich hab nit viel zuverlies-
ren/oder hab ichs mit schlechten Ehrn / Pos Slapperment / herauf
mit der Sprach.

Bayr: Das sag ich nit / aber das gedencke ich bey mir selbst.
Wann Du je so viel hast/ warumb thust du einem andern das sein-
ge nehmen? Pos Schlapperment hinwider/ vnd noch eins oben
darauff.

Pfals: O nur her/Wir haben ein weil gesungen/ jetzt fahen wir
an zu Zancken.

Bayr: Es gilt mir lestlich Rauffen vnd Slachagen auch gleich/
ich hab dergleichen Schnarcher wol mehr kende.

Sachs: Was da/was da/thut gemacht ihr Herrn Nachbawern/
vnd gebt euch zu Ruhe.

Bayr: Eben darumb/weil ich die Ruhe liebe/ wil ich bey diesem
Zancker vnd Schnarcher nicht bleiben.

Pfals: Siehe doch nur zue mein lieber Sachs/was mein Bet-
ter für ein eygen nütziger Kopff ist/Wir köndten zehrn / lustig / frö-
lich/vnd guter ding sein/auf anderer Leut Beutel/vnd Er wil nicht/
soll einem das nicht höchlich verdriessen. Sachs:

Sachß: Nach gelegenheit der sachen mein Herr Nachbawr/ die Freystellung hat auch nicht allzeit im Vermögen / für dergleichen Schwörmereyen Bürg vnd Zahler zu seyn.

Bayr: Ja Herr Sachß/diñ ist wol vnd recht gesagt/ aber mein Herr Vetter leß sich geduncken/die Freystellung habe das Wünsch hütel auff/vnd was einem nur gelust zu thun/das sey schon erlaubt.

Pfals: Warumb das nit/ich habe die Kron in Behaimb zu mir genommen / wer nimbt mir sie wieder? Ich will auch die Hungersrische/vnd noch wol andere hollen/wer will mir das wehren.

Bayr: Gott vnd die Rechten thun dir das wehren.

Pfals: Ach lieber Vetter/es muß ein kaler vnd verzagter Calvinist seyn/der sich diese Ding anfechten vnd schröcken leß.

Sachß: So muß ein Calvinist ein schlechter Christ seyn/wie ich von dir wol hör vnd versteh/das Gott vnd die Rechten bey dir nichts gelten / wie wollen wir dann in die lenge mit einander hausen & wie Hund vnd Katzen. Das ist weit von vnserer Voreltern Fußstapffen abgetreten. Die alte Teutsche eynigkeit hat gemacht dem Römischen Reich/gegen allen Völkern/den Titel der Großmächtigkeith/was kan aber von dem Widerspiel erfolgen/wann du in vnserm Vaterlande solliche zertrennung vnd Lumpenhändel anfängst.

Pfals: Herr Sachß/nicht viel des Dings / es möchte sonst heißen/wessen das Haus ist/der gehe hinaus/ich bin nunmehr der Sucht entwachsen.

Sachß: Oho/ho/ho/bist du alda zerissen/hat mich der Teuffel mit dir beschissen/das ich dich in mein Haus / vnd vnter das Dach der Augspurgerischen Confession gelassen hab.

Pfals: Es ist nicht mehr *in illo tempore*, wir wollen anderst sehen wer einer dem andern die Stiegen einwirfft/ Ich siehe doch wol/das du vnd mein Vetter vnter einer Decken liget / ich muß mir auch vmb Leut sehen/vnd wil bey Gott mein Reputation erhalten haben.

Sachß: Ja wol/ja wol/es ist das mehr als zuviel/vomb Leut zuschawen/man weiß gar zu viel/das du schon vor guter zeit dich vmb dieselben beworben hast / der Türckische Keyser ist nicht vergeblich
bey

bey der jüngsten Tauff/dein Großvatter/vnd der Gabor sein *substitut* gewesen/ich mein/ich mein/du setzt dem Vatterlande die Leuß an den Belt/Du Hochverständiger König.

Pfals: Vnd was fragst du darnach/warum solt ich unglückseliger vnd geringer sein/dann meine Voretern/(welche auch Keyser vnd König waren) daß ich ihnen nicht mit erhöhung meines Standes trewlichen nachfolgte.

Bayr: Besser/ihu vnsern lieben Voretern nicht vnrecht/was sie gewesen/daß seyn sie mit Gott vnd Ehrn gewesen/was sie bekommen/ist durch erlaubte mittel beschehen/Sie haben Leib/Gut vnnnd Blut daran gestreckt wie sie den Türcken abreiben möchten. Du hergegen thust vnrechtmessiger weiß andern daß ihrige nehmen/vnd wann man es dir nicht lassen will/so ruffest du Freund vnnnd Feind an/bringst den Türcken vnnnd andere saubere Gäst für die Statt Wienn/als die Vormawer vnser Teutschen Vatterlands.

Pfals: Das ist nie wahr / daß ich den Türcken vor Wienn gebracht/es ist doch nur der Bethleu Gabor gewesen.

Sachs: Eben dieser ist der rechte Dordott/ist nicht Gabor des Türckischen Kayfers Vasall vnd *Substitut*, Weist du nit / *Quid quis per alium facit*, &c. Du hast vns beeden zwar/mir zu Dresden/vnd deinem Vetter zu München so vorgelogen/vnd damit so hoch betrogen/daß du schier nicht für einen Teutschen zuackhen bist.

Pfals: Da frag ich nichts darnach / ich getrawe mir alles das wol zuerantworten.

Sachs: Vor wem willst du es verantworten? Kanst du doch keinen Richter gedulden/du willst nur oben auß, vnd nirgent an/dein stüßiger Kopff allein hat eccht/es ist aber kein wunder/ die Caluinisten machens nicht anders.

Pfals: O du grober vnerfahrner Lutheraner / eben darumb/du mit deiner alten Leyern / der zerstückten Augspurgerischen Confession / gegen den Caluinisten nicht gefolgen kanst / so muß mein Kopff ein stüßiger Kopff seyn.

Sachs: Wir wollen jetzt nicht von der Religion sagen/welche
frumb

krump oder gerad sey. Dis allein wollen wir Türcken vnd Heyden
vrrheilen lassen/ob es Erbar sey daß du deinem Kayser/den du selbst
neben andern ordentlich erwöhle/vnd welchen die ganze Welt vndis-
spuiterlich darsfür hält/ ehret vnd erkendte/darffst gleich nach frischer
that denselben verfolgen/verachten/seine mit Recht erlangte Kronen
vnd Köniereich/ abzwacken/ andere Erbliche Länder verheeren/vnd
ein solches Blutbad/ so vieler Tausent unschuldiger Christen / an-
stellen/schawe doch einmal auff gen Himmel/sihe wie die menge der
vnschuldigen Kindlein layend/vnd mit außgestreckten Händlein zu
Gott klagen/daß sie auß schrecken ihrer Mütter in Mutterleib er-
tödet/sihe wie mit den Fingerlein auff dich zeigen die Kindelein/ so
gleichwol glücklich geböhren/aber nicht zur H. Tauff haben können
kommen/wegen einfallung des Kriegsvolcks/des gleichen klagen vñ
schreyen vber dich alle Witterber/Witwen vnd Weisen/so albereit in
diesem Krieg/entweder durch den Todt/oder durch Barbarische ge-
fängliche hinwegführung in die Türckey/von einander geschiden/
vber dich beklagen sich alle geschendte Jungfrawen/ alle gehorsame
Vnderthanen/Burger vnd Bawern/so verheert/versehrt/verbrent/
beraubt/gepeiniget/zerhaut/vnd von Hunden gefressen/dessen Jam-
mers du allein Dirsacher bist/weil du auff ein kurze zeit bist ein König
worden/steckt nun zu solchem vbel ein Churfürst den zaiger auß/wz
meinstu/west n sich der leichtsinige hiernach zu Regulieren hat.

Pfals: Holla Sachs/es ist gnug geprediget/laß sagen vnd kla-
gen immer fort/ich spring vnd sing/der Korb sey gemacht/ einmahl
bin ich König/daß weiß ich gewiß/ vnd die ganze Welt weiß es auch/
aber keiner weiß wie es dort wird zugehen/gestorben ist gestorben/da
kräcke kein Han mehr nach/man muß ein kleins nicht achten/wan ich
nur das Land bekombe/ es wachsen schon andere Leuth hernach/ diese
Leuth müssen doch ohne das mittel weil sterben/ es ist vor Jahren
wol auch nit anderst zugehen/ wann ich euch beyden gefolgt hette/
wer ich all mein tag kein König worden / müßt auch wol ein alberer
Mensch seyn/daß ich das gewisse vmb das zukünfftige vngewisse ver-
liesse/ich gehe mit solchen zukünfftigen Narzenwerck nicht vmb.

Bayr:

Bayr: Better/Better/das seyn desperierte Resolutiones.

Pfals: Nicht desperiert, sondern Heroisch.

Bayr: Lieber Herz Sachs/dem Man ist nit wol mehr zuhelffen.

Sachs: Ist dan dem also/ so heist es wie vor alters/auff einen harten grund/gehört ein scharffe Lanzen/die wil ich dir anffgiessen.

Pfals: Gieß her/ gieß hin/ wie vnd was du wilt / des Segen wil ich erwarten.

Sachs: Weil dann dem also / vnd daß deine verstockte/desperierte Resolution ist/wie der verstockten Juden/zur zeit der Creuzigung Christi/nemblichen / alles in diesem Krieg vergossenes vnschuldiges Blut/komme vber dich/vnd deine Kinder.

Pfals: Wer ihm fürcht/leg ein Panzer an/seind nit auch vorhin vil Kayser vnd König/auff ein solche Manier zur Nothheit komen.

Sachs: Das ist alles war/ wie lang es aber bestandt gehabt/ vnd was für erschrockliche geschwinde Endt sie genommen/ ist am tage/ gehe hin / schaw vnd suche / ob ihres Geblüts noch ein Fürstliches Tröpfflein vorhanden sey.

Pfals: Wann ich todt bin/so ist die ganze Welt Todt/mein lieber Herz Sachs/ ihr seyd mir viel zu gering/ mich zu bereden/ daß ich das Hütel abthue.

Sachs: Oho/Darumb muß man andert zu den Sachen sehen.

Pfals: Schawt nur hin/wohin ihr wolt/mein lieber Nachbawr.

Bayr: Man verzehrt nur die zeit mit diesem Menschen vnnützlich/es ist doch Chrysam vnd Lauff an ihm verlohren.

Pfals: Better/weil ich dir deine angebohrne Jesuiten vnd Pfaffen nur ein wenig durch einander sag / so hab ich den Pfeffer ganz verschütt/vnd ist alle Bettertschaft auß/was geht dich sonst der Pandel an / so ich mit dem Hauß Oesterreich hab / mich gedänckel / du stundest wol billicher vnserem Hauß bey.

Bayr: Ich sehe weder auff Hauß noch auff Stadel/ weder auff Mänch noch Pfaffen/ich sehe auff das grosse Unbill/so du mit entziehung Landt vnd Leut/Ihr Kay May. zufügest/darumb ist es das best/das faule Glied werde abgehawen/ damit der Leib gesund bleib.

Sachs: Dem ist also lieber Herz Nachbawr/ ziehet ewere Glaubensgenossen zu ewrer Seyten/so wil ichs auff meiner Seyten auch thun/Ade/im Feidt wollen wir vns mehrers bereden.

[Faint, illegible text, likely bleed-through from the reverse side of the page]

[Handwritten notes in the right margin, possibly in a different script or language]

Fr. Reppien,
Buchbinder
in
ROSTOCK
bey der Marien-Kirche.

bey der jüngsten Tauff/dein Großvatter/vnd der
tut gewesen/ich mein/ich mein/du seist dem Vatter
den Bels/Du Hochverständiger König.

Pfals: Was was fragst du darnach/warum sol
tiger vnd geringer sein/dann meine Voretern/(w
vnd König waren) das ich ihnen nicht mit erhöhun
des trewlichen nachfolgte.

Bayr: Better /thu vnsern lieben Voretern ni
sie gewesen/das seyn sie mit Gott vnd Ehrn gewese
men/ist durch erlaubte mittel beschehen/Sie haben
Blut daran gestreckt/wie sie den Türcken abtreibe
hergegen thust vnrechtmessiger weiß andern das ih
wann man es dir nicht lassen will/so ruffest du Fre
an/bringst den Türcken vnd andere saubere Gã
Wienn/als die Vormawer vnfers Teutschen Va

Pfals: Das ist nit wahr / das ich den Türcken
bracht/es ist doch nur der Bithlen Gabor gewese

Sachs: Eben dieser ist der recht Vorvott/ist
Türkischen Kayser Vasall vnd Substitut, Weist
per alium facit, &c. Du hast vns beeden zwar/mir
deinem Bettern zu München so vorgelogen/vnd d
trogen/das du schier nicht für einen Teutschen zu

Pfals: Da frag ich nichts darnach / ich getre
wol zuuerantworten.

Sachs: Vor wem wilst du es verantworten
keinen Richter gedulden/du wilst nur oben auß, vnt
stüßiger Kopff allein hat echt/es ist aber kein wun
sten machens nicht anders

Pfals: O du grober vnersahrner Lutheraner
du mit deiner alten Leyern / der zerstückten Augsp
fession / gegen den Caluijnisten nicht gefolgen kan
Kopff ein stüßiger Kopff seyn.

Sachs: Wir wollen jetzt nicht von der Relig

A 21



bftis
an
see
yfer
lan
was
om
und
Du
und
ind
talt
ge-
des
quis
vnd
be-
das
doch
ein
ni-
mb/
on-
nein
elche
and